

五修族谱有感

盖闻，人之有祖，譬犹水必有源，木必有本也。吾曹姓，或出自上古祝融氏，或出自西周王族，历史悠长。本宗吾族源于浙省，始祖信公肇基邵陵之滨，至今凡二十余世，后裔五千余众，遍于邵水河畔、霞光岭下、龙旗村旁、五泉塘前、曹家垅边、九公桥头等地，党政军民学，皆有翘楚焉。

族之有谱，犹国之有史，县之有志。所以辨世序、别昭穆，敦亲而睦族，承先以继者。古人修谱，有十年填名，卅年小续之说，吾族四修族谱至今已逾卅年。况族人迁播神州诸地者众，虽遇同宗，或视为路人，或不知长幼，可不悲乎？而今恰逢盛世，国方强、族日兴，五修族谱，正当其时也。族贤有感于斯，聚族而议，乃倡修谱之举，应者如云，或捐资或献力，众志成城，皆欲共襄盛举，吾邵陵曹氏先祖在天有灵，可深慰矣。爱国、新刚、宇晖、顺民、立民等纂修人员，谋划协调，采访收集。编撰审核等诸多事宜，工程浩大，历时长久，实为艰辛。

此番修谱，查阅文献资料甚多，几经易稿，方得始成。此谱既成，昭穆俨然，支派明辨，宗族故事所明者亦详为记。

吾族后裔，亦当以此敦亲睦族、爱国敬业，上不负列祖之德，下无愧宗亲之望，不忘根本，再续辉煌。

廿二代世孙中国人民解放军军官隆胥字立茂谨撰

公元二〇二二年岁在壬寅孟秋之月

